


五代會要



漢書門類	二四二八	一四八	一六
類	號	函	架
冊	冊	冊	冊

子孫永保
藏書記
雲煙家
十六卷

內閣文庫	二四二八	一四八	一六
漢書	號	函	架
冊	冊	冊	冊

內閣文庫	番號	漢	2428
冊數	16	(13)
函號	294		26

廿三四



五代會要卷二十三

宋 王

溥

撰

緣舉雜錄

梁開平元年七月敕近年舉人當秋薦之時不親試
 者號為拔解今後且止絕四月十一日兵部尚書姚
 洎知貢舉奏近代設文科選胄子所以綱維名教崇
 樹邦本也今在公卿親屬將相子孫如有文行可取
 者請許所在州府薦送以廣毓材之路從之
 乾化三年十二月以尚書左僕射楊涉知禮部貢舉



非常例也

前代自武德正觀之後但委考功員外郎主之至開元二十五年員外郎李昂爲貢

士李涯所誣毀由是中書奏請以禮部侍郎專焉間或以他官領之用中書舍人及諸司四品清資官惟會昌中命大常卿王起主貢舉時亦檢校僕射

後唐同光二年十月中書奏請停舉選一年勅舉選二門國朝之重事但要精確難議權停宜准常例處分

天成元年八月敕應三京諸道今年貢舉人可依常年例取解仍合隨處量事津送赴闕

三年七月四日尚書工部侍郎任贊奏今後伏請宣

下諸州府所有諸色舉人不是家在遠方水陸隔越者逐處選賓從官僚中藝學精博一人各於本貫一例分明比試如非通贍不許妄給文解勅宜令今後諸色人委逐處觀察使慎擇其詞藝及通經官員各據所業考試及格者卽與給解仍具所試詩賦帖經通粗數一一申省未及格者不得徇私發解兼承前諸道舉人多於京兆府寄應例以洪固鄉貴里爲戶一時失實事久難明自此各於本道請解具言本州縣某鄉某里爲戶如或寄應須其本貫入狀不得

效洪固貴胄之例文解到省後據所稱貫屬州府戶籍內如無名本人并給解處官吏必行重責京百司給解就試准前指揮兼下貢院其本朝舊格諸色舉人每年各放幾人及第到日續更詳酌處分其年十月三日敕每年訪聞及第舉人牒送吏部關試判題雖有判語全無所見各書未詳仍或正身不至如斯乖謬須議去除此後應開送舉人委南曹官准格攷試如是進士并經學及第人曾親筆硯其判語卽須緝搆文章辨明治道如是無文章許直書其事不得祇書未詳如關試時正身不到又無請假字卽牒貢院申奏停落

四年七月中書門下奏今年及第人先曾守攝職官者宜所司於守攝文書內豎出應舉及第年月日或改名不改名分各印押其中曾受正官銜署并佐幕者仍約前任資序與除一任官如自中興已來諸科第人曾受職官並令所司追納文書及到日准今年及第人例處分已受官者不在此限兼勒貢院將來舉人納家狀內各分析曾爲官及不會爲官改名不

改名其曾爲職官者先納歷任文書及第准例指揮
從之其年七月敕今年應新及第人給春闈並於敷

政門外宣賜

應所司邀
頤故也

其年十月一日中書門下條流貢舉人事件如後一
應諸道州府解送諸色舉人須往元敕差有才藝公
正官考試及格然後給解仍具所試詩賦義目帖由
送省如逐州府解內不豎書前件指揮事節所司不
在引試之限禮部貢院考試諸色帖經舉人今後據
所業經書對義之時逐經須將生卷與熟卷中半考

試不得依往例祇將熟卷試問今後主司不得受內
外官寮書題薦託舉人及安排考試如或實在知有
才學精博者任具奏聞若受書題囑託致有屈人其
主司與發書人並加黜責其所舉人別行朝典三銓
南曹亦不得受諸色官員薦達選人如違並准前指
揮應諸色落第人此後所司具所落事由別張文榜
分明曉示除諸州府解送舉人外餘有於河南府寄
應及宗正寺國子監生等並須准上指揮其中有依
託朝臣者具言在某官姓名門館考試及第後並據

姓名覆試諸色舉人至入試之時前 日內據所納
到試底本司印署訖送中書門下取中書省印印過
却付所司給散逐人就試貢院合請攷官試官今後
選學業精通廉慎有守者充如在朝臣門館人不得
奏請奉勅宜依

長興元年六月中書門下奏此後賓貢每年祇請放
一人兼及第舉人放榜時並須據才藝高低從上依
資安排不得以隻科取鼎島嶽斗之名兼不得呼春
官爲恩門師門不得自稱門生除賜宴外不得輒有
率斂別謀歡會曾赴舉落第人不得改名將來舉人
並依選人例據地里遠近於十月中納文解如違不
在受納之限從之

三年正月勅今後落第舉人所司已納家狀者次年
便赴貢院就試並免再取文解兼下納文解之時不
在拘三旬但十月內到者並與收納其年十二月三
十日禮部貢院奏准會要長壽二年十月十日左拾
遺劉承慶上疏曰伏見比年已來天下諸州府所貢
物已至元日皆陳在御前唯貢人獨於朝堂列拜伏

請貢人至元日列在貢物之前以備充庭之禮制曰
可近年直至臨鑠院前赴應天門外朝見今後請令
舉子復赴正仗仍緣今歲已晚貢士未齊欲具見到
人點引牒送四方館至元日請令通事舍人一員引
伸朝賀列於貢物之前或以人數不少卽請祇取科
解頭一人就列其餘續到者候齊日別令朝見如蒙
俞允當司祇於都省點引習儀奉敕宜准元敕處分
餘宐依

四年二月十六日禮部貢院奏今後試舉人日請令
皇城司公幹人於省門外聽察叫呼稱屈及知貢院
有侍門者引赴皇城司勘問如是的實虛妄請嚴加
科斷兼今年放榜後及第人 畢便綴行五鳳樓前
列行舞蹈謝恩訖赴國學謝先師然後與知貢舉官
相識期集祇候敕命兼過堂及過樞密院又舊例侵
晨張榜後知貢院官及考試官已下便出請今年張
榜後知貢舉官并考試官至晚未奉勅宜令敕下後
於朝堂謝恩卽赴國學其試舉人日宜令御史臺差
人聽其放榜日知貢舉官送出自此永爲定制及第

五仙在... 卷三
舉人過樞密院宜不施行

清泰二年九月禮部貢院奏奉長興元年勅進士五經九經明經五科童子外諸色科目並停緣由有明算道舉人今欲施行又奉長興三年正月勅每落第舉人免取文解今後欲依元敕格請並再取解十月十五日到省畢違限不收又奉天成四年勅諸色舉人入試前五日納試紙用中書印印訖付貢院司緣五科所試場數極多旋印紙鑱宿內中書往來不便請紙用當司印從之

晉天福五年禮部侍郎張元奏童子一科伏請停廢從之

開運元年八月復童子科

周廣順三年正月戶部侍郎權知貢舉趙上交奏童子凡念書二十四道今欲添念書通前五十道念及三十道者放及第從之

顯德二年五月禮部侍郎知貢舉竇儀奏其童子科請依晉天福元年敕停罷任改就別科赴舉從之

明經

後唐長興二年七月一日勅其明法科今後宜與開元禮科同其選數兼赴舉之時委貢院別奏請會諸法試官依格例考試

晉天福六年五月十五日勅明法一科今後宜令五選集合格注官日優與處分

周廣順三年正月戶部侍郎權知貢舉趙上交奏明法元帖律令各十五帖對義二十道今後罷帖律令試墨義六十道從之至其年八月刑部侍郎權知貢舉徐台符却准元格帖律令各十五帖對墨義二十

道從之

科目雜錄

後唐同光四年正月五科舉人許維嶽等一百人進狀伏見新定格文三禮三傳每科止放兩人方今三傳一科五十餘人三禮三十餘人三史學究一十人若每年祇放兩人及一人逐年又添初舉伏見咸通長慶年放舉人元無定式又同光元年春榜亦是一十三人請依元年例放人敕從之

天成二年正月二十七日尚書禮部貢院奏五經考

試官先在吏部 長定格合請兩員數屬貢院准新
定格文祇令奏請一員兼充考試伏緣今年科目人
數轉多却欲依舊請攷試官各一員如蒙允許續具
所請官名銜申奏奉勅宜依

三年二月十日禮部貢院奏當司據鄉貢九經劉英
甫經中書陳狀請對經義九十道以代舊格帖經奉
堂判令詳狀處分者當司伏准格文九經祇帖九經
書各一十帖并對春秋禮記口義各一十道今准往
例並不會有應排科講義九經若便據送到引試排

科講義卽恐有違格例者奉敕劉英甫請以講義便
代帖經既能鼓篋而來必有撞鐘之應宜令禮部貢
院考試其年七月十三日勅應將來三傳三禮三史
開元禮學究等考試本業畢後引試對策時宜令主
司於時務中採取要當策題精加攷校不必拘於對
屬須有文章但能詞理周通文字典切卽放及第如
不及此格雖本業粗通亦須出落應九經五經明經
帖書文格後引試對義時宜令主司於大義汎出經
問義五道於簾下書試祇令隔簾解說但不失註疏

義理通二通三然後便合念疏如是熟卷並須全通
仍無失錯如得入簾亦須於時務中選策題精加攷
校如粗於筆硯留意者則任以四六對仍須理有指
歸言關體要如不會於筆硯致功卽許直書其事申
明利害不得錯使文字其義問念疏對策逐件須有
去留

長興四年二月十六日禮部貢院奏新立條件如後
一九經五經明經呈帖由之時試官書通之後有不
及格者喝落後請置筆硯將所納帖由分明却令自

閱或是試官錯書通不當於改正如懷疑者便許本
經當面檢對如實是錯卽便于帖由上書名而退一
五科常年放榜出多稱屈塞今年並明書所對經義
墨義云第幾道不通第幾道麤第幾道通任將本經
書疏昭證如攷試官去留不當許將狀陳訴再加攷
校如合黜落妄有披述當行嚴斷一今年舉人有抱
屈落第者許將狀披訴於貢院官與重試如貢院不
理卽詣御史臺論訴請自試舉人日令御史臺差人
受舉人訴屈文狀并引本身勘問所論事件或知貢

舉之官及攷試之官已下敢有受貨賂升擢親朋屈抑藝能陰從請託及不依格去留一事有違請行朝典一懷挾書策舊例禁止請自今後入省門搜得文書者不計多少准例扶出殿將來兩舉一進口受人迴換試處及義題帖書時諸般相救准例扶出請殿將來兩舉一藝業未精准格落下恥見同人妄扇屈聲擬爲將來基址及他人帖對過場數多者便生誣玷或羅織歐罵者並當收禁牒送御史臺請賜勘鞫如知貢舉及考試官事涉徇私屈塞藝士請行朝典

若虛妄者嚴行科斷牒送本道重處色役仍永不得人舉場同保人亦連坐各殿三舉奉勅宜依

周廣順二年二月禮部侍郎趙上交奏貢院諸科今欲不試汎義口義其五十道改試墨義其十道處分從之

三年正月戶部侍郎權知貢舉趙上交奏九經舉人元帖經一百二十道墨義二十道今欲罷帖經於諸經墨義對一百五十道五經元帖經八十帖墨義二十道今欲罷帖經合對墨義一百道學究元念書二

十道對義五十道從之至其年八月刑部侍郎權知
 貢舉徐台符又奏九經請都對墨義六十道其帖經
 對策依元格五經亦請對墨義六十道帖經對策依
 元格從之

五代會要卷二十三終

五代會要卷二十四

宋 王 溥 撰

樞密使

梁開平元年五月改樞密院為崇政院 始命敬翔為院使仍置判

官一人自後不置判官置副使一人

二年十一月置崇政院直學士二員選有政術文學

者為之 始以尚書吏部郎中吳藹尚書兵部郎中李璠充選其後又改為直崇政院

後唐同光元年十月崇政院依舊為樞密院 命宰臣郭崇韜

為樞密使亦置院使一人

晉天福四年四月以樞密副使張從恩爲宣徽使權

廢樞密院故也

先是上以宰臣桑維翰兼樞密懇求免職祇在中書遂以宣徽使劉處讓

代之每有奏議多不稱旨又以處讓丁內憂乃以樞密院印付中書門下故有是釐革

開運元年六月依舊置樞密院其見在中書元係樞

密院職司人吏各勒仍舊應合行公事委本院奏取

指揮以宰臣桑維翰兼樞密院使

從中書門下奏請也

周顯德六年六月命司徒平章事范質禮部尙書平

章事王溥並參知樞密院事

建昌宮使

梁開平元年四月置建昌院以博[⊕]王友文判院事

以太祖神武元聖孝皇帝在藩時四鎮所管兵車其稅賦諸色課利按舊簿籍施行仍置院以領之

五年中書門下奏請以判建昌院車爲建昌官使^仍

東京太祖舊潛龍宅爲宮

二年三月以侍中韓建判建昌院事至十月以尙書

兵部侍郎李皎爲建昌宮副使

三年九月以門下侍郎平章事薛貽矩判建昌宮事

至四年十二月以李振爲建昌宮副使

乾化二年五月以門下侍郎平章事於兢判建昌宮

其年六月廢建昌宮以河南尹魏王張宗奭爲計使

凡天下金穀兵戎舊隸建昌宮者悉主之

至後唐同光四年二月以吏部

尚書李琪爲國計使

按實錄自後廢其名額不置

後唐同光二年正月敕監鐵度支戶部三司凡關錢物委租庸使管轄其年三月左諫議大夫竇專上疏曰臣伏見天下諸色錢穀比屬戶部度支金部倉部各有郎中員外支計分劈自後以租賦殷繁添置司之額自唐天寶中安史作亂民戶流亡征賦不時經費多闕惟江淮嶺表郡縣完全總三司貨財發一使

征賦在處勘覆曰曰租庸纔收京城尋廢職務廣明中黃巢充斥僖宗省方依前以江淮征賦又置租庸使催征及至車輅還京旋亦停廢僞梁不知故事將四鎮節制征輸置宮使名目管係既廢宮後改置租庸雜以培斂相兼加之出放生利况戶口什一之稅是太平之日規繩租庸總三司合勘因喪亂之時制置在京無此名目乃是出使權宜若要委一官之能何妨總三司合判伏請敕郡縣重集戶口計定租稅合鹽鐵却歸三司收其征賦務使仍舊會計到京且

便上供何須直進既戶口不失則增賦倍多致海內有久遠之安示天下爲一家之治

事雖不行然有識者甚是之

天成元年四月敕停廢租庸院名額依舊爲鹽鐵戶部度支三司委宰臣一人專判仍廢租庸院大程官及放猪羊柴炭戶其括田竿尺一依僞梁制度仍委節度使通行三司不得更差使檢括州使公廨錢先被租庸管係者一切却還州府

長興元年八月敕會計之司國朝重務總其使額以委近臣貴便一時寧循往例張延朗可充三司使班

位在宣徽使之下

唐朝以戶部度支掌泉貨鹽鐵則特置使各一部度支則尚書省本

司侍郎郎中判其事天寶中楊慎矜王鉷楊國忠雖承恩顧各守本司別帶使額下及劉晏第五琦亦如舊制自後又以宰臣各判一司不帶使額乾符之後天下兵興隨置租庸使以掌調發兵罷停僞梁不閉典故乃置租庸使總天下征賦莊宗亦踵其事暨今上登位削去使名命重臣一人專判曰判三司至是延朗自許州入掌國計自於樞密使請置三司使宣下中書門下宰臣以非故事擬授延朗充諸道鹽鐵轉運使合兼判戶部度支上不從故特降是命三司置使各自延朗始也

四年正月三司使奏當省有諸道鹽鐵轉運使額職員極多見有左右都押衙及客司通引今欲從正押衙設省職爲轉遷之序正押衙同押衙衙前兵馬使

討擊副使衙前虞侯衙前子弟者敕衙前兵馬使已下名目皆是軍職不合係於省司其正押衙同押衙衙前虞侯衙前子弟宜依

宣徽使

梁開平元年五月宣旨下徽院收管供奉宮殿前受旨官宣左右內直等

後唐清泰元年七月殿直都知趙處愿承旨都知蔣德鄰恩謝令具襴笏

晉天福六年七月勅宣徽院供奉宮殿直人數不少今後諸道行運副使不得奏請宣補骨肉

皇城使

梁開平三年七月勅內皇城諸門宜各差控鶴官兩人守把其諸司使并諸色人並勅于左右銀臺門外下馬不得將帶人入門逐日諸道進奉客省使于千秋門外排當訖勒控鶴官擡至內門前令董門殿直已下昇進其章善門仍令局鎖不用逐日擅自開閉乾化元年五月詔曰闈是正門也宜以時開閉用達陽氣委皇城使准例檢校啓閉車駕出則闔扉

元帥

後唐長興四年以秦王從榮為天下兵馬大元帥
其年九月中書門下奏秦王加天下兵馬大元帥自
歷朝以來無天下兵馬大元帥公事儀注或專一面
之權或總諸道之司其儀注規程之事條目載詳故
實未見明文臣等謹沿近事伏見招討使總管兼受
副使已下囊鞬庭禮今望令諸道節度使已下凡帶
兵權者見元帥階下具軍禮參見皆申公狀其使相
者初相見亦以軍禮一度已後客禮相見應天下諸

軍務公事元帥府行指揮其判六軍諸衛事其行公
牒往來其元帥府所置官屬補授軍職則委元帥奏
請從之

諸道節度使軍額

滑州 唐光啓二年四月改為宣義軍節度 許州 梁開平二年改為義成軍

年改為升國軍後唐同光元年十月復為忠武軍 陝州 梁開平二年改為義武軍

光三年復為保義軍 邢州 梁開平二年六月建為保義軍節度

改為安 宋州 梁開平三年五月升為宣武軍節度

為歸 鄧州 梁開平三年五月升為宣化軍節度

德軍 隨復鄧四州隸之與襄州分江心為界至

五代史記 卷一百一十五 晉州 梁開平四年四月升為定

後唐同光元年改為威勝軍周廣順二年三月改為武勝軍避諱也

昌軍節度以絳沁二州隸之至後唐同光元年改為建雄軍

節度以張萬進歸順故也至後唐同光元年改為橫海軍

鎮國軍至周顯德元年八月降為刺史直屬京

度至後唐同光元年改為順義軍至二年三月降為團練州至周顯德二年降為刺史直屬京

梁龍德三年改為升義軍節度以李繼韜歸順故也後唐同光元年復為安義軍至長興元年三月復舊

名昭安州後唐同光元年改為安遠軍節度至晉天義軍福五年七月降為防禦使所管新州割隸

許州以李金全叛命故也至漢天福十二年六月復為安懷軍節度至周顯德元年十月又降為防禦

州新州後唐同光二年七月升為威塞軍節度以賜儒武三州隸之

應州後唐同光二年七月興唐軍為襄州以隸之雲州復為大同軍節度以

應州陳州晉開運二年十月升為鎮安軍節度至漢隸之天福十二年六月降為刺史周廣順元年

正月升為防禦州二年七月復升為鎮安軍節度以潁州隸之曹州晉開運二年十月升為威信軍

節度至漢天福十二年六月降為刺史至周廣順二年七月復升為彰信軍節度以鄆州隸之襄州

晉天福七年降為防禦州直屬京所管均房二州割隸鄆州以安從進叛命初平故也至漢天福十二年

六月復舊為青州晉開運元年十二月降為防禦州山南東道使與登萊淄三州並屬京以楊光遠

叛命初平故也至漢天福十二年六月復舊為平盧軍節度貝州晉天福三年十月復升為清水

軍節度以博冀二州隸之至周顯德元年十月降為防禦州相州梁正明元年三月魏博節度使

楊師厚薨乃割相州建節尋軍亂以地歸後唐莊宗却為屬郡隸魏州至天福三年十月復升為彰德軍

五代通志 卷之四 七

節度以澶衛 兖州 周廣順二年五月降為防禦州 澶

州 晉天福三年十一月初升為防禦 歲相州移理所 于德勝渡至九年八月升為節度 改掌州為常山

郡應軍額 館驛帶掌州名者並改 鎮州 晉天福七年 為常山號鎮 寧軍以濮州隸之 正月改為順

國軍節度 改常山為掌州 郡應軍額 館驛帶常山各 者並改為掌州 以安重榮叛 命初平故也 至漢天福

十二年八月却 府州 漢天福十二年升為永安軍節 並復為成德軍 度至乾祐三年四月降為團練

州 至周顯德元年 代州 周顯德元年升為靜塞 五月復舊軍額 軍節度以初歸降故也 汾州

周顯德元年五月升為寧 夔州 後唐天成二年七月 化軍節度以初歸順故也 升為寧江軍節度

楚州 後唐天成三年閏八 壽州 後唐天成三年十月 月升為順化軍節度 升為中正軍節度

閩州 後唐天成四年十月 虔州 後唐長興二年八月 升為保寧軍節度 升為昭信軍節度

洮州 後唐長興四年十一 溫州 晉天福四年八月升 月升為保順軍節度 為靜海軍節度 從兩

浙錢元 金州 晉天福四年五月升為懷德軍節度 湖 權奏也 至漢天福十二年復降為防禦州

州 周顯德二年六月升為宣德 軍節度 從兩浙錢宏俶奏也

後唐天成元年十一月 敕雄武軍節度使官銜內宜

兼押蕃落使 二年七月 敕頃因用本朝親王遙領方

鎮其在鎮者 遂云副大使知節度事 但年代已深 相

沿未改 今天下侯伯並正節旄 惟東西兩川未落副

大使字宜 令今後祇言節度使

五代通志 卷之四 八 信芳閣成

親王遙領節度使

後唐清泰元年六月以皇子重吉遙領成德軍節度
鎮冀深趙等州觀察處置北面水陸轉運制置等使
兼河南尹判六軍諸衛事

晉天福八年以皇弟重睿為開封尹充管內河堤使

時重睿以年幼未出閣命左散騎常侍邊蔚權知府
事逐月支錢七十千 兼 人馬十匹草 別支
公用米二十石麥五十石羊二
十口每年麵三千斤錢四百千

開運二年五月又遙領雄武軍節度秦階成等州觀
察處置押蕃落管內營田制置等使至三年正月改

領忠武軍節度許蔡申等州觀察處置使

三年三月以皇子延煦遙領鎮寧軍節度澶相等州
觀察處置管內河堤等使至其年十一月改領保義
軍節度陝虢等州觀察處置等使

漢乾祐元年六月以皇弟勛領山南西道節度管內
觀察處置等使與元尹

宰相遙領節度使

後唐同光元年十月以侍中監修國史郭崇韜兼領
成德軍節度鎮冀深趙等州觀察處置等使真定尹

都護府

後唐長興三年四月中書門下奏據十道圖有大都護除單于北庭等府久不置外合具員內節度使中見有兩員外守安北都護安東都護今請祇以四大都護為定額仍以安東大都護為首奉敕宜依其安南大都護安西大都護安北大都護次之

軍

梁開平元年十二月於輝州礪山縣置崇德軍

太祖榆社

在礪山置使以領之

始命朱彥讓為軍使

晉天福四年五月改舊威州為清遠軍

六年八月改澶州頓邱鎮為德清軍鎮使為軍使其

年九月以新修胡梁渡為大通軍

初置浮橋故也

七年四月降雄州為昌化軍警州為威肅軍其軍使

委命本道差補

周顯德元年十月以萊蕪監為廣利軍從前監使張

崇謙奏請也

至六年十一月復廢為萊蕪治

二年三月以李晏口為靜安軍

李晏口當契丹入寇之路築城屯軍為邊

防人甚賴之

其年六月廢景州為定遠軍所管東光弓高

雨縣隸滄州安陵縣隸德州其年七月廢環州爲通遠軍

三年五月以渦口鎮爲鎮淮軍

五年六月以鄂州漢陽縣爲漢陽軍

時初平淮南之地以江爲界

六年十一月以鳳州固鎮爲雄勝軍

諸使雜錄

梁朝諸司使名崇政院使租庸使宣徽院使客省使天驥使飛龍使莊宅使太和庫使豐德使儀鑾使乾文院使文思院使五防如京使尚食使司膳使洛苑

使教坊使東上閣門使西上閣門使內園栽接使弓

箭庫使大內皇城使武備庫使引進使左藏庫使西

京大內皇城使閑廡使宮院使翰林使

梁開平元年五月改御食使爲司膳使小馬坊使爲

天驥使文思院使爲乾文院使同和院使爲儀鑾使

至三年十一月其年九月敕近年文武諸道奉使皆

分外停留今後兩浙福建廣州安南邕容等道使到

發許住一月湖南洪鄂黔桂住二十日荆襄同雍鎮

定青滄許住十日其餘近輔歇泊三五日如是往來

道路攄里數日行兩驛如遇疾患及江河阻隔委所
在長吏具事由聞奏仍仰御史臺覺察

三年十月置左右軍巡使

以段明遠為左軍巡使鄧成為右軍巡使時以遷都

之始凡吾河南尹侍衛諸軍雖合差人巡警京都往
往濫發分曹異職多擾於民乃置左軍巡管水北右
軍巡管水南各置巡院罷諸軍巡檢人
員仍令判六軍諸衛張宗奭都管轄

乾化元年十二月以大理卿王膳為安南送旌節官

告使

舊制巡撫黜陟冊命賑卹吊贈人番等使選朝
臣為之其宣慰加官送旌節即以中官為之今
以三品送旌節新例也

後唐同光二年二月中書門下奏今後大鎮節度使

管三州已上者每年許奏管內官三人管三州已下
者許奏二人仍須是考績尤異如止於微科及限檢
損無瑕祇得書攷不得奏薦其防禦使每年許奏一
人刺史無奏薦之例更有將前資官請他處除授者
謂之橫薦亦宜止絕如有違越中書不在施行之限
從之其年三月中書門下奏儀仗法物使李肅是偽
梁置此使額使令主持又無考限況主持法物各有
本司請准舊停廢從之

天成元年九月以尚書都官郎中庾傳美為三川搜

五竹傳 卷三 三

圖籍使其月北京奏准宣命于係省賣炮錢上每貫

割留一百充本府公使 初朱守農為河南尹官兼平章事與宰執貴要交歡屢有宴會及告安重誨以司府無利潤支費送議割餼錢奏從之諸府因以為例

二年三月二十一日勅諸道州府所有專差人持禮

往來皆具申奏况列藩交聘諸侯結歡乃自古之通

規亦明朝之舊事近日皆章奏稟命朝廷既旌敦

好之風兼表睦隣之好且道非越境何勞上聞宜令

徧降勅命指揮諸道州府自今後應是諸道差人持

禮來去並令不要申奏

四年五月敕今後諸州諸使凡於廨署並須專切增

修不得信任摧毀凡所置辦亦令勒具年月編於帳

籍交代之際分明交領不得因此接便擾人其年六

月勅諸州侯伯所請賓從及主事元隨並令奏具名

姓或叅佐道屬各令加罪其年七月勅諸道州府不

得奏薦將校職員乞行恩命如顯有功效即列奏以

聞

長興元年五月勅今後凡有除移准宣詔遣差外其

餘須候人到彼點檢交割軍州公事了日即可發離

五竹傳 卷三 三 言若割

本處仍合逐道觀察使散管內諸州准此

二年五月勅今後應內外臣僚不計在朝出使並不
得輒發書題妄行請託於諸處安排公人宜令三司
及諸道州府節使防禦團練使刺史等或有人不畏
條勅猶躡舊踪者並仰立具姓名聞奏發薦者貶所
任府官求薦者配於邊遠州縣常知所在如逐處長
吏自徇人情顯違敕命祇被替本人詣闕上疏勘問
不虛長吏罰兩月俸發薦人比前例更加一等被替
人却令依舊仍從再勾當後三年內除別顯有罪名

外不得妄有替移其長興二年五月一日已前所犯
不在上訴之限兼敕到後但是州府並於鋪驛及顯
要處粉壁具錄敕命曉諭常令申舉永使聞知况蒙
國爵待人惟賢是舉稍聞俊又必命獎升其有端士
正人雄文大學言可以經綸王道行可以規矩人倫
但當顯陳表章明具論薦名始得正功不棄材所期
絕彼倖人豈可滯諸賢者其年七月勅諸道奏薦州
縣官各定員數今宜增益以廣搜揚帶使相節度使
每年許薦三人屬京防禦團練使今加至五人不帶

使相節度使許薦二人今薦三人直屬京防禦團練使許薦一人今加薦至二人即不得薦新罷任及過格之人如未曾有官者當別比擬

清泰元年八月敕比關差使須示均平今後文武百官充使者宜合依例輪差中書置簿不得重疊其內降宣諭不拘此例若當使自緣有事或不欲行注簿便當一使長興三年正月後已曾奉使者便著爲簿首已後差使次第注之

晉天福二年二月勅今後中外臣寮或因差使出入不得薦囑人于藩鎮希求事任如有犯者准長興二年勅條處分其月敕諸道馬步都虞侯今後朝廷更不差補委逐州府于衙前大將中選久歷事任曉會刑獄者充仍以三年爲限不得於元隨職員中差補其今日已前見在任者如無罪犯宐令終其月限候將來得替仰本道于衙前收管不得赴闕

五年六月勅承旨者承時君之旨非近侍重臣無以稟命是以大朝會則以宰臣承旨草詔書則以學士承旨若無區別何表等威除翰林學士承旨外殿前

承旨改爲殿直樞密院承旨改爲承宣御史臺三司
閣門客省承旨並令別定其名其年七月二日敕應
內外諸使諸司及諸州府凡有諸色公道事須具奏
聞今後不得白狀及劄子記事申覆如事關機密卽
准元降宣命實封斜角不題事目通下其合申中書
及中書勘會公事所申狀亦須是本司及逐處官員
印署不得將白狀及記事劄子兼令司局抄劄子申
宐令御史臺及旨徽院三司侍衛司諸道州府准此
漢乾祐三年五月敕諸防禦團練州申奏公事除朝

廷以軍期應副則不及聞於廉使如尋常公事不得
自專須先申本官斟酌以聞今後州府不得違越其
月勅諸道州府宜差散從官大府五百人下州二百
人宐量戶口多少差團集本處管係立節級點檢教
習警備州城至周廣順元年三月敕其諸道州府所
差散從官親事官並放歸農自去年四月已前州縣
元管係人數一切仍舊其遞鋪如已前招召到者且
仰仍舊今後更不得招召其諸處場院並不得影庇
兩稅人戶所有河北諸州府及澤潞晉絳慈隰解等

五代會要卷二十四終

州於先差散從親事官內選弓箭手祇且留住本州

管係其餘放差先是漢隱帝命諸州于百姓內差散從官親事官又差力人戶充遞鋪

又下三司諸場務召人戶替占役兵皆不便于民故放之其年七月勅應諸道州

府鎮務祇差補鎮符一員都虞候一員餘並除廢因

書都官郎中曹謙吉上章故降是勅

周廣順元年五月勅今後諸州府不得奏薦無前資

及無官并無出身人如有奇才異行亦許具名以聞

便可隨表赴闕當合有司考試朕當親覽


顯德五年四月六日敕應諸道州府進奉逐月合請

俸料及紙筆等錢宜令今後于本州公使錢內支給

不得分配人戶及州縣門戶如本州公使錢少不便

支給處祇不要置進奏官仰於衙前差有名糧職員

充進奏聞院副知仍二周年替罷本州優與安排



五代會要卷二十四終

五代會要卷二十四終

